

## Hringbrautarverkefnið staða framkvæmda og fréttir af verkefninu

- Nýtt húsnæði fyrir Grensásdeild, endurhæfingardeild Landspítala
- Mörg verkefni fram undan á hönnunarsviði
- Vinna við fyrstu súlur að hefjast við uppsteypu meðferðarkjarnans
- Viðhaldsverkefni á framkvæmdareit

# Nýtt húsnæði fyrir Grensásdeild, endurhæfingardeild Landspítala



Grensásdeild Landspítala

NLSH auglýsir eftir umsóknum um þátttökurétt í lokuðu útboði vegna hönnunar á nýju húsnæði fyrir Grensásdeild sem er endurhæfingardeild Landspítala. Nýbyggingin á að rísa vestan við núverandi aðalbyggingu endurhæfingardeilda Grensás og er gert ráð fyrir um 3800 fermetra byggingu.

Forvalið er opið öllum hæfum umsækjendum og er auglýst á Evrópska efnahagssvæðinu. Að loknu forvali mun verkkaipi velja fimm fyrirtæki úr hópi hæfra umsækjenda til þátttöku í lokuðu útboði.

Þátttökutilkynningum skal skila inn fyrir 14.september næstkomandi.

## Mörg verkefni fram undan á hönnunarsviði



Hluti starfsmanna á hönnunar- og þróunarsviði NLSH

Verkefni hönnunarsviðs þessa daga eru umfangsmikil og má þar helst nefna áframhaldandi vinna við meðferðarkjarna, rannsóknahús og bílakjallara undir Sóleyjatorgi segir Sigríður Sigurðardóttir, sviðsstjóri hönnunarsviðs NLSH.

Einnig er í vinnslu útboð vegna útveggjaklæðningar meðferðarkjarna. Forval vegna verkefnis fyrir Heilbrigðisvísindasvið Háskóla Íslands var auglýst í sumar og í vinnslu eru útboðsgögn vegna nýbyggingar hjá Læknagarði og endurbætur á honum. Þá er búið að bjóða út hönnunarverkefni vegna nýbyggingar við Grensás, endurhæfingarstöð Landspítala, segir Sigríður.


## Vinna við fyrstu súlur að hefjast við uppsteypu meðferðarkjarnans



Uppsteypa á fyrstu súlum er að hefjast



Grunnur meðferðarkjarna, búið er að steypa fyrstu kjallaraveggi



Fjölmargir starfa við framkvæmdir í grunni meðferðarkjarnans

Uppsteypuverkefnið á nýjum meðferðarkjarna er að ganga vel, en aðalverktaki uppsteypuverksins er Eykt hf.

„Helstu verkþættir sem nú eru í gangi við uppsteypuna eru áframhaldandi vinna við mótauppslátt, járnabendingu undirstaðna og jarðskaut sem er vel á veg kominn. Vinna við fyllingar og lagnir í grunni er í fullum gangi sem og vinna við botnplötur. Fyrstu kjallaraveggir voru steyptir í lok júlí og áframhaldandi vinna í fullum gangi. Vinna við fyrstu súlur er að hefjast og í framhaldinu verður farið í fyrstu loftaplötur yfir kjallara“, segir Eysteinn Einarsson staðarverkfræðingur hjá NLSH.

## Fréttir af framkvæmdum á vinnubúðareit



Sorpgeymslur og önnur skýli



Settar hafa verið upp grindur til aðgreiningar á bílastæðum




Unnið við að tyrfa austan við Læknagarð

Að sögn Steinars Þórs Bachmann verkefnastjóra hefur í sumar verið unnið að mörgum viðhaldsverkefnum á vinnubúðareitnum. Unnið hefur verið við málun á girðingum, við að tyrfa við bílastæði og að ýmsum öðrum verkefnum.

# Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



## Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið [asbjorn@nlsh.is](mailto:asbjorn@nlsh.is)

Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is)

Sértækar upplýsingar veitir af hálfu Landspítala Stefán Hrafn Hagalín 897 3644 [stefanh@landspitali.is](mailto:stefanh@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)